

الفوركس من الألف الى الياء
د أسامة

nesr_2020

موقع بورصات
على الرابط

<http://www.borsaat.com/vb/t8478.html>

ألبداية

السلام عليكم و رحمة الله و بركاته
اخوانى و احبائى اعضاء المنتدى

بداية اود ان اشكر ادارة المنتدى على اهتمامها الكبير بالمواضيع
و انها جمعتنا مع بعض فى مكان واحد

طبعا الموضوع واضح و هو عبارة عن دروس تعليمية للمبتدئين و المضاربين
من خلال متابعتى لورشتى و هى ورشة عروس البحر المتوسط فوجئت بحاجات كثيرة
جدا فى ناس همها و هم جمع المال بدون حتى ما تعرف المال ده وصل ازاي للحساب..
مش مهم عندهم نعرف طريقة او يعنى ايه ترند ،مش مهم يا عم حتصدعنا بفيبوناشى
و شموع و كلام فاضى من الاخر شوف اللي انت شايفه و ادينى التوصية
و انا حدخل معاك،و عامة اول ما تكسب التوصية حدعيلك و ارد فى موضوعك
رد يفرحك بس للأسف مش ده كان هدفى لما افتتحت الورشة كان هدفى
انى انقل علم تعلمته لاخوان لى فى البلد و الدين لكن اتضايقت ان فى الكثير لا يهتم
بما اقول او ارسم و ان كان فى اخوة افاضل عايزين يتعلموا بالفعل خليك فى المهم
ايدك على التوصية و بس ..ممكن اعذرهم لان الكتب كتير و الكلام كبير
و طويل و هم مش فاضيين يقرأوا و لو قرأوا مش حيفهموا و يلاقوا الموضوع
صعب و محدش قادر يفهم حد

كله بيكبر دماغه و يمشى مع التوصية او مع استراتيجية و شوية مؤشرات
يستنى التقاطع او او او.... و يدخل الصفقة و يخسر

و مش فاهم هو خسر ليه

ماهى المؤشرات تقاطعت اهى

و انا دخلت و برضه خسرت